



UNIVERSITÄTS-
BIBLIOTHEK
PADERBORN

Universitätsbibliothek Paderborn

Johannis Strauchi[i] Jcti Amoenitatum Juris Canonici Semestria duo

Johannis Strauchi[i] Jcti Amoenitatum Juris Canonici Semestre alterum -
Cum Indicibus

Strauch, Johann

Jenae, 1674

Cap. XX. Ad cap. I. II. IV. VI. de bigamis non ordin.

urn:nbn:de:hbz:466:1-10241

baretur, ut habet Epiphanius hæresi XXX. Hinc Josephus Tiberi-³³ *improbata,*
 densis ne ab Arrianis invitus clericus fieret, secundas nuptias con- *etiam ab*
 traxit. Apud Gentiles Flamen dialis eadem castimoniâ coerce- *hæreticis &*
 batur, ut est apud Plutarchum quæstionibus. Et Tertullianus ex- *Ethnicis.*
 hortatione ad castitatem: Monogamia, ait, apud Ethnicos in sum-
 mo honore est, ut & Virginibus legitimè nubentibus, univira pro-
 nuba adhibeatur, & auspicii initium est. Item in quibusdam
 solennibus & auspiciis, ut prior sit univiro locus. Certè Flaminica
 non nisi univira est, quæ & Flaminis lex est. Trebellius Pol-
 lie de Calpurnia Titi Coniuge: Fuit sancta & venerabilis fœmi-
 na de genere Cesonianorum, quam majores nostri univiram Sa-
 cerdotem inter sacratissimas fœminas adorarunt.

CAP. XX.

Ad cap. I. II. IV. VI. de bigamis non ordin.

S U M M A R I A.

1. *Capitulum 1. unde promptum.* *do habitum.*
 2. *Aurelian. concilium III. quan-* 3. *Pœnitentes qui?*

Capitulum primum desumptum est ex concilio Aurelianensi *Capitulum*
 3. c. 6. quod anno Domini 540. celebratum est, Vigilio *I. unde*
 Pontifice sedente, regnante Childeberto Francorum, sub *promptum.*
 Consulatu Paulini junioris. Item ex Arelatensi tertio c. 3. *Aurelian.*
 Vide Gratianum distinct. 55. c. 2. Ant. Augustinum ad Compil. 1. *concilium 3.*
 h. t. quem compilarunt Gregoriani. Ait Capitulum: Ut biga- *quando ha-*
 mi vel pœnitentes. Pœnitentes intelliguntur illi, qui post ba- *bitum.*
 ptismum pro homicidio aut pro diversis criminibus gravissimis- *Pœnitentes*
 que peccatis publicam pœnitentiam gerentes sub cilicio divino *qui.*
 fuerint reconciliati altari, ut habet concil. *Tolet. 1. c. 2. & ex eo*
 Martinus Bracarenfis collectione canonum cap. 23.

Capitulum II. est ad Spalensem Archiepiscopum. Quis
 iste? Spalis olim, quæ nunc Hispalis, Sevilla, urbs Archiepiscopa-
 lis Hispaniæ. Compilatio prima, Spoletano habet, perperam.
 Alias lectiones cumulant Gregoriani in notis hîc, quos vide, si
 tanti.

Capitulum IV. est Innocentii III. ad Ratisponensem Episcopum, ut est apud Raimundum. Variat tamen lectio. In tertiâ compilatione legitur Wtilamensi, Wtilamensi. Duo MSCta Salana optimæ notæ: Ratislaviensi. Unde non dubito rescribere: Vratislaviensi. Quam vocem supra quoque capitulo 27. de Rescriptis restituimus. Ecloga II. cap. 18. pag. 45. Summa autem capituli est, eum, qui mortuâ uxore ad sacra promotus cum secundâ de facto contraxit, eamque cognovit, digamiæ pœnam incurere, licet digamus non sit. Digamus propriè non est, quia secundæ nuptiæ jure canonico sunt irritæ, & de facto tantum tenent, *c. sanè. de etate & qual.* Ideo licet talis intentionem & animum habeat secundum matrimonium contrahendi, vel, ut Pontifex loquitur, affectum intentionis cum opere subsequuto habeat, in matrimonio vivendi, propriè tamen digamus non est, sed digamiæ tamen pœnam incurrit. Bigamus, inquam, non est, non propter sacramenti defectum, id est, non propterea, quod matrimonium consistere non possit in eo, qui unam habuit uxorem, & post susceptionem ordinis sacri aliam duxit: Neque enim pluralitas uxorum hîc est: Sed quia contra votum prius affectat inire aliud matrimonium, ideo ratione affectus illiciti pro digamo habetur. Capitulum VI. apud Raimundum inscribitur Lugdunensi Archiepiscopo: Sed in compilatione IV. habetur, D. Archidiacono Lundunensi: Sic & duo MSti Salani, Archidiacono: Unus autem optimus, Lundoniensi.

CAP. XXI.

Ad Tit. XXII. de Clericis peregrinis.

Additur in compilatione primâ ad rubricam:

*Et eis sine literis non recipiendis, quæ
verba omisit Raymundus.*

Ad capit. I. & III.

S U M M A R I A.

1. Rubrica integratur.

2. Capit. I. non est Alexandri IV.

3. Ejus